

移徙與匈奴同俗控弦十餘萬故疆輕匈奴

師古曰自恃其疆盛

而輕易匈奴也

本居敦煌祁連間至冒頓單于攻破月氏而老

上單于殺月氏以其頭為飲器月氏乃遠去過大宛西

擊大夏而臣之

師古曰解在張騫傳

都媯水北為王庭其餘小眾

不能去者保南山羌號小月氏大夏本無大君長城邑

往往置小長民弱畏戰故月氏徙來皆臣畜之其臬漢

使者

師古曰同受節度也

有五翎侯

師古曰翎即翕字

一曰休密翎侯治

和墨城去都護二千八百四十一里去陽關七千八百

二里二曰雙靡翎侯治雙靡城去都護三千七百四十

一里去陽關七千七百八十二里三曰貴霜翎侯治護